

Dodik: Zastoj zbog MAP-a, Izetbegović: Tražićemo srednje rješenje



U zgradi državnih institucija BiH okončan je sastanak lidera HDZ-a, SDA i SNSD-a – Dragana Čovića, Bakira Izetbegovića i Milorada Dodika, na kojem se razgovaralo o formiranju vlasti u državi.

“Do kraja mjeseca treba da dođe do formiranja Vijeća ministara. To je jaka poruka evropskim zvaničnicima da među nama nema nikakvih različitih stavova kada je u pitanju evropski put. Oko evropskog puta i mehanizma koordinacije nema neslaganja”, kazao je predsjednik SNSD-a Milorad Dodik nakon sastanka.

On je istakao da nijedna od stranaka ne spori ime Zorana Tegeltije iz SNSD-a za novog predsjedavajućeg Vijeća ministara BiH.

Došlo je do zastoja jer je trenutak gdje se postavilo pitanje MAP-a kao prethodno pitanje Savjeta ministara.

“Ovo pitanje ne može dobiti saglasnost zbog niza razloga, ali racionalno je da to pitanje neće nestati samo zato što mi iz Republike Srpske smatramo da treba biti drukčije. Želim da kažem da uslovljavanje nije racionalno”, rekao je Dodik.

Prema njegovom mišljenju, pitanje NATO-a u BiH ne može dobiti saglasnost zbog niza razloga.

“SDA, HDZ i svi u FBiH misle da se kreće prema NATO-u. To pitanje ne može dobiti saglasnost zbog niza razloga, ali racionalno je da to pitanje neće nestati samo zato što mi iz RS smatramo da treba biti drukčije. Želim da kažem da uslovljavanje nije racionalno. Petog oktobra ćemo potpisati sporazum o roamingu, kako bi imaju jefitniji roaming, a 2021. da se smanji cijena roaminga prema zemljama EU. Ako to ne uradimo, onda gubimo vrijeme i vjerovatno nekoliko godina. Želim da se zahvalim Komsiću i Džaferoviću što smo učinili napore i dogovorili se”, poručio je on.

Prethodno uslovljavanje na taj način ocijenio je apsolutno neracionalnim, te poručio da su principi na kojima se može zasnivati djelovanje Vijeća ministara ustavnost, zakonitost, socio-ekonomske reforme, agenda, evropski put, poštivanje onoga što je dogovoreno u BiH sa stanovišta izgradnje mreže autoputeva...

Izetbegović je rekao da će se po pitanju MAP-a tražiti srednje rješenje kojim bi svi bili zadovoljni.

Prvi čovjek SDA Bakir Izetbegović nije htio odgovoriti direktno na novinarsko pitanje šta je razgovarao s Dodikom na temu promjene imena RS-a.

“Na prošlom sastanku sam s Dodikom razgovarao o tom pitanju, a šta sam mu rekao, to vam neću reći. Ako on hoće neka kaže”, istakao je Izetbegović.

Kada je u pitanju najvažnije pitanje – aktivacija MAP-a – Izetbegović je istakao da tu stvar danas nisu uspjeli rascistiti.

“RS definitivno ima pravo na politički stav, samo treba da ga efektira kroz državne institucije. Mi smo donijeli zakone i strategiju koji se odnose na aktivaciju MAP-a, a kada kažem vladavina zakona, podrazumijevam i taj zakon. Ali to ne znači da oni ne mogu biti promijenjeni, ako se nađe dovoljan broj ruku u državnom parlamentu, može se usvojiti ono za šta je zainteresirana RS koja ima svoje predstavnike na svim nivoima. Dakle, ne može entitetski nivo biti nadređen državi. Tu stvar nismo danas riješili, radit ćemo dalje na tome”, kazao je nakon sastanka predsjednik SDA Bakir Izetbegović. (vijesti.ba)

60

SHARES

[_ Share on Facebook](#)

[_ Tweet](#)

-

-

[Follow us](#)

[_ Share](#)

[_ Share](#)

[_ Share](#)

[_ Share](#)

[_ Share](#)

Date: 06-03-2019